





附記
多組記

史記抄卷之四

項羽本紀

不籍年月一滾序去

項籍追述者下相人也字羽初起時年二十四其季父項梁

逆叙出項梁

梁父即楚將項燕為秦將王翦所戮者也項氏世世為

楚將封於項故姓項氏項籍少時學書不成籍學劍又不成

項梁怒之籍紀中攙入項梁籍曰書足以記名姓而已

劍英雄本色一人敵不足學學萬人敵於是項梁乃教籍兵法籍

大喜略知其意又不肯竟學項梁嘗有櫟陽逮乃請斬

獄掾曹咎書伏後報抵櫟陽獄掾司馬欣以故事得已

項梁殺人與籍避讐於吳中吳中賢士大夫皆出項梁

鍾云接每西用以
故以集以四字為
法句

暗伏後案

下每吳中有大繇役及喪項梁嘗為主辦陰以兵法部
勒賓客及子弟以是知其能秦始皇帝游會稽渡浙江
梁與籍俱觀籍曰彼可取而代也梁掩其口曰毋妄言
族矣梁以此奇籍籍長八尺餘力能扛鼎著茲五序籍形軀才
氣過人雖吳中子弟皆已憚籍矣秦二世元年七月陳涉
等起大澤中其九月會稽守通謂梁曰江西皆反此亦
天亡秦之時也吾聞先即制人後則為人所制吾欲發
兵使公及桓楚將是時桓楚亡在澤中次倉卒起梁曰
桓楚亡人莫知其處獨籍知之耳梁乃出誠籍持劍居
外待梁復入與守坐曰請召籍使受命召桓楚守曰諾

如畫

同瞬

梁召籍入湏臾梁眴籍曰可行矣於是籍遂拔劍斬守
頭項梁持守頭佩其印綬門下大驚擾亂籍所擊殺數
十百人一府中皆惴伏莫敢起梁乃召故所知豪吏諭
以所為起大事遂舉吳中兵使人收下縣得精兵八千
人梁部署吳中豪傑為校尉候司馬有一人不得用自
言於梁梁曰前時某喪使公主某事不能辦以此不任
用公衆乃皆伏於是梁為會稽守籍為裨將徇下縣廣
陵人召平於是為陳王徇廣陵未能下聞陳王敗走秦
兵又至乃渡江矯陳王命拜梁為楚王上柱國此召平不自了
事乃能作此度外奇事曰江東已定急引兵西擊秦項
所以致敗亡秦之端在此

八千人前有根
後有應。通篇
東西二字是大
要處

梁乃以八千人渡江而西。聞陳嬰已下東陽，使使欲與
連和。俱西。陳嬰者，故東陽令史，居縣中，素信謹，稱為長
者。東陽少年殺其令，相聚數千人，欲置長，無適用，乃請
陳嬰。嬰謝不能，遂彊立嬰為長。縣中從者得二萬人。少
年欲立嬰便為王。又洗。異軍蒼頭特起，陳嬰母謂嬰曰：自我
為汝家婦，未嘗聞先古之有貴者。今暴得大名，不祥。不
如有所屬，事成，猶得封侯；事敗，易以亡，非世所指名也。
嬰乃不敢為王。謂其軍吏曰：項氏世世將家，有名于楚。
今欲舉大事，將非其人，不可。我倚名族，亡秦必矣。於是
眾從其言，以兵屬項梁。項梁渡淮，黥布、蒲將軍亦以兵

軍下邳

軍胡陵

入薛會薛
細

增老乃显為世當朝
國時不知何子

屬焉凡六七萬人軍下邳當是時秦嘉已立景駒為楚
王軍彭城東欲距項梁項梁謂軍吏曰陳王先首事戰
不利未聞所在今秦嘉倍陳王而立景駒逆無道乃進
兵擊秦嘉秦嘉軍敗走追之至胡陵嘉還戰一日嘉死
軍降景駒走死梁地項梁已并秦嘉軍軍胡陵將引軍
而西章邯軍至栗項梁使別將朱雞石餘樊君與戰餘
樊君死朱雞石軍敗亡走胡陵項梁乃引兵入薛誅雞
石項梁前使項羽別攻襄城襄城堅守不下已拔皆阮
之還報項梁羽之初出即項梁聞陳王定死召諸別將
所下者阮入漢王之始會薛計事此時沛公亦起沛往焉居鄴人范增年七十

素居家好奇計。往說項梁曰：陳勝敗固當。夫秦滅六國，楚最無罪。自懷王入秦不反，楚人憐之至今。故楚南公曰：楚雖三戶，亡秦必楚也。今陳勝首事，不立楚後而自立，其勢不长。今君起江東，楚蠡起之將皆爭附君者，以君世世楚將，為能復立楚之後也。於是項梁然其言，乃求楚懷王孫心，民間為人牧羊，立以為楚懷王，從民所望也。陳嬰為楚上柱國，封五縣，與懷王都盱台。音煦治項梁自號為武信，居數月，引兵攻亢父，與齊田榮司馬龍且軍救東阿，大破秦軍於東阿。田榮即引兵歸。別序三田本末伏後案逐其王假，假亡走楚。假相田角亡走趙，角弟田間故

之齊楚相仇
始

提上起下定
陶敗死之案

齊將居趙不敢歸田榮立田儋子市為齊王項梁已破
東阿下軍逐追秦軍數使使趣齊兵連應欲與俱西田榮曰
楚殺田假趙殺田角田間乃發兵項梁曰田假為與國
之王窮來從我不忍殺之趙亦不殺田角田間以市於
齊齊遂不肯發兵助楚項梁使沛公伏後不立田榮等案及項羽別攻城陽
屠之西破秦軍濮陽東秦兵收入濮陽沛公項羽乃攻
定陶定陶未下去西略地至雒丘大破秦軍斬李由還
攻外黃外黃未下項梁起東阿西北至定陶再破秦軍復上
項羽等又斬李由益輕秦有驕色宋義乃諫項梁曰戰
勝而將驕卒惰者敗今卒少惰矣秦兵日益臣為君畏

之項梁弗聽乃使宋義使於齊道遇齊使者高陵君顯

曰公將見武信君乎曰然曰臣論武信君軍必敗公徐

行即免死疾行則及禍秦果悉起兵益章邯擊楚軍大

破之定陶項梁死沛公項羽去外黃攻陳留陳留堅守

不能下沛公項羽相與謀曰今項梁軍破士卒恐乃與

呂臣軍俱引兵而東呂臣軍彭城東項羽軍彭城西沛

公軍碭章邯已破項梁軍則以為楚地兵不足憂乃渡

河擊趙大破之當此時趙歇為王陳餘為將張耳為相

皆走入鉅鹿城章邯令王離涉閒圍鉅鹿章邯軍其南

築甬道而輸之粟陳餘為將將卒數萬人而軍鉅鹿之

高云怀王遣收趙
膽欲俱勝否則趙
亡而楚心為雷也天宗
義劫兵不進以序
畏黃太負以王任
役宜方及務也

北此所謂河北之軍也。楚兵已破於定陶。懷王恐從。盱
台之彭城。并項羽呂臣軍自將之。以呂臣為司徒。以其
父呂青為令尹。以沛公為碭郡長。封為武安侯。將碭郡
兵。初宋義所遇齊使者高陵君顯在楚軍。見楚王曰。宋
義論武信君之軍必敗。居數日。軍果敗。兵未戰而先見
敗徵。此可謂知兵矣。王召宋義與計事而大說之。因置
以為上將軍。項羽為魯公。為次將。范增為末將。救趙諸
別將皆屬宋義。號為卿子冠軍。行至安陽。留四十六日
不進。項羽曰。吾聞秦軍圍趙。王鉅鹿。疾引兵渡河。楚擊
其外。趙應其內。破秦軍必矣。宋義曰。不然。夫搏牛之蝱。

不可以破蟣蝨。今秦攻趙，戰勝則兵罷。我承其敝，不勝。

則我引兵鼓行而西，必舉秦矣。故不如先閫秦。趙卿子冠軍

誤着夫被堅執銳，義不如公。坐而運策，公不如義。因下

令軍中曰：「暗指羽猛如虎，狠如羊，貪如狼，彊不可使者，皆斬之。」

乃遣其子又誤着宋襄相齊，身送之。至無鹽，飲酒高會。天寒大

雨，士卒凍飢。項羽曰：「將戮力而攻秦，久留不行，今歲飢，

民貧，士卒食芋菽，軍無見糧，乃飲酒高會，不引兵渡河，

因趙食，與趙并力攻秦，乃曰：「承其敝，夫以秦之彊攻新

造之趙，其勢必舉趙。」趙舉而秦彊，何敝之承？且國兵新

破，王坐不安席，埽境內而專屬於將軍，國家安危在此。

接手又上令使人

不堪之極然令語

自佳亦可為頂的

先留一像精

以而不若宋又而

序打多會三下蓋

一照照情若狀耐

住且此後難耐也

詞氣侃侃
宋義世詞

一舉今不恤士卒而徇其私非社稷之臣項羽晨朝上將軍宋義即其帳中斬宋義頭出令軍中曰宋義與齊謀反楚楚王陰令羽誅之當是時諸將皆惴服莫敢枝梧皆曰首立楚者將軍家也今將軍誅亂乃相與共立羽為假上將軍軍中相與擁立情事如掌使人追宋義子及之齊殺之使桓楚報命於懷王懷王因使項羽為上將軍當陽君蒲將軍皆屬項羽項羽已殺卿子冠軍威震楚國名聞諸侯此等處有一唱三嘆之味乃遣當陽君蒲將軍將卒二萬渡河救鉅鹿戰少利陳餘復請兵項羽乃悉引兵渡河皆沈船破釜餽燒廬舍持三日糧以示士卒必死無一還

秦楚交鋒只九戰
絕其甬道大破之
字是正面其餘俱以
旁觀側出事前事
後描寫故生動絕
倫

莫敢仰視四字何等
氣魄後叙垓下之圍
真能仰視四字何等
哀涼只換一字而接
情勢陡別化工筆
也

心於是至則圍王離與秦軍遇九戰絕其甬道大破之
殺蘇角虜王離涉閒不降楚自燒殺當是時楚兵冠諸
侯諸侯軍救鉅鹿下者十餘壁莫敢縱兵及楚擊秦諸
將皆從壁上觀楚戰士無不一以當十楚兵呼聲動天
諸侯軍無不人人惴恐於是已破秦軍項羽最得意之戰太史公最得意之
文意之項羽召見諸侯將入轅門三無不膝行而前莫敢仰
視項羽由是始為諸侯上將軍諸侯皆屬焉章邯軍棘
原項羽軍漳南相持未戰秦軍數却二世使人讓章邯
章邯恐使長史欣請事至咸陽留司馬門三日自古大將在外
危疑生叛趙高不見有不信之心長史欣恐還走其軍
必如此

不敢出故道。趙高果使人追之。不及。欣至軍。報曰：趙高

用事於中。下無可爲者。今戰能勝。高必疾妬吾功。戰不

能勝。不免於死。願將軍孰計之。陳餘亦遺章邯書曰：白

起爲秦將。南征鄢郢。北阬馬服。攻城略地。不可勝計。而

竟賜死。蒙恬爲秦將。北逐戎人。開榆中地數千里。竟斬

陽周。何者？功多。秦不能盡封。因以法誅之。今將軍爲秦

將三歲矣。所亡失以十萬數。而諸侯並起。滋益多。彼趙

高素諛日久。今事急。亦恐二世誅之。情事入故欲以法誅

將軍以塞責。使人更代將軍以脫其禍。夫將軍居外久。

多內卻有功。亦誅。無功亦誅。且天之亡秦。無愚智皆知。

之。今將軍內不直諫，外爲亡國將。孤特獨立而欲常存，豈不哀哉？將軍何不還兵與諸侯爲從，約共攻秦，分王其地。南面稱孤，此孰與身伏鈇質，妻子爲僇乎？章邯狐疑，陰使候始成，使項羽欲約。約未成，項羽使蒲將軍日夜引兵度三戶，軍漳南，與秦戰，再破之。項羽悉引兵擊秦軍汙水上，大破之。章邯使人見項羽，欲約。項羽召軍吏謀曰：「糧少，欲聽其約。」軍吏皆曰：「善。」項羽乃與期洹水南殷虛上。已盟，章邯見項羽而流涕，爲言趙高。項羽乃立章邯爲雍王，置楚軍中。此羽之狐疑，不使長史欣爲足，以定天下處。上將軍將秦軍爲前行，到新安。諸侯吏卒異時故繇使。

原委詳明

高祖曰叙阮秦卒
何等筆力三多字
可玩多不盡也

高祖此時以誠言慰
諸將能感助降卒
亦可召別分所解
敘丁之策也而阮
阮阮敘關中丁阮
丁入楚吳而高祖
為主也

屯戍過秦中秦中吏卒遇之多無狀及秦軍降諸侯諸
侯吏卒乘勝多奴虜使之輕折辱秦吏卒秦吏卒多竊
言曰章將軍等詐吾屬降諸侯今能入關破秦大善即
不能諸侯虜吾屬而東秦必盡誅吾父母妻子諸將微
聞其計以告項羽項羽乃召黥布蒲將軍計曰秦吏卒
尚衆其心不服至關中不聽事必危不如擊殺之羽之兵謀
若此豈而獨與章邯長史欣都尉翳入秦於是楚軍夜
擊阮秦卒二十餘萬人新安城南行畧定秦地函谷關
有兵守關不得入又聞沛公已破咸陽項羽大怒使當
陽君等擊關項羽遂入至于戲西沛公軍霸上未得與

項羽相見沛公左司馬曹無傷使人言於項羽曰沛公欲王關中使子嬰為相珍寶盡有之提項羽大怒曰旦日饗士卒為擊破沛公軍當是時提項羽兵四十萬在新豐鴻門沛公兵十萬在霸上范增說項羽曰沛公居山東時貪於財貨好美姬今入關財物無所取婦女無所幸此其志不在小吾令人望其氣皆為龍虎成五采此天子氣也急擊勿失楚左尹項伯者項羽季父也以下序次情事如描畫今梨園子弟亦素善留侯張良張良是時從沛公本此為傳記如目睹之項伯乃夜馳之沛公軍私見張良具告以事欲呼張良與俱去曰毋從俱死也張良曰臣為韓王送沛公沛

問答妙甚一字不可省

複句妙絕

從良口中叙出
所以素善由侯
之故寫始入如

公今事有急亡去不義不可不語良乃入具告沛公沛
公大驚曰爲之奈何神張良曰誰爲大王爲此計者沛公
關豈其始不及曰鯁生說我曰距關毋內諸侯秦地可
與良本謀耶與良本謀耶曰鯁生說我曰距關毋內諸侯秦地可
盡王也故聽之良曰料大王士卒足以當項王乎沛公
默然曰固不如也且爲之奈何神張良曰請往謂項伯言
沛公不敢背項王也沛公曰君安與項伯有故張良曰
秦時與臣游項伯殺人臣活之今事有急故幸來告良
沛公曰孰與君少長良曰長於臣沛公曰君爲我呼入
吾得兄事之張良出要項伯項伯卽入見沛公沛公奉
卮酒爲壽約爲婚姻曰吾入關秋毫不敢有所近籍吏

民封府庫而待將軍

所為謝項羽之言却好

所以遣將守關者備

他盜之出入與非常也日夜望將軍至豈敢反乎願伯

具言臣之不敢倍德也項伯許諾謂沛公曰旦日不可

不蚤自來謝項王沛公曰諾於是項伯復夜去至軍中

具以沛公言報項王因言曰沛公不先破關中公豈敢

入乎今人有大功而擊之不義也不如因善遇之項王

許諾沛公旦日從百餘騎來見項王至鴻門謝曰臣與

將軍戮力而攻秦將軍戰河北臣戰河南然不自意能

先入關破秦得復見將軍於此今者有小人之言令將

軍與臣有卻項王曰此沛公左司馬曹無傷言之不然

劉辰翁曰叙楚漢
會陽門子應之者
睹無毫髮髮流病
非十分羊力摸也
不也

楊惲曰則字文皆自
周書中來

籍何以至此項王即日因留沛公與飲項王項伯東鄉
如畫坐亞父南鄉坐亞父者范增也沛公北鄉坐張良西鄉
侍范增數目項王舉所佩玉玦以示之者三項王默然
不應范增起出召項莊謂曰君王為人不忍若入前為
壽壽畢請以劔舞因擊沛公於坐殺之不者若屬皆且
為所虜莊則入為壽壽畢曰君王與沛公飲軍中無以
為樂請以劔舞項王曰諾項莊拔劔起舞項伯亦拔劔
起舞常以身翼蔽沛公莊不得擊於是張良至軍門見
樊噲樊噲曰今日之事何如良曰甚急當特皇急處今
者項莊拔劔舞其意常在沛公也噲曰此迫矣臣請入與

鉅鹿寫羽鴻門
寫噲兩人生氣
勃：紙上

之同命噲即帶劔擁盾入軍門交戟之衛士欲止不內
樊噲側其盾以撞衛士仆地噲遂入披帷西嚮立瞋目
視項王頭髮上指目眦盡張項王按劔而跽曰客何為
者張良曰沛公之叅乘樊噲者也項王曰壯士賜之卮
酒則與斗卮酒噲拜謝起立而飲之項王曰賜之彘肩
則與一生彘肩樊噲覆其盾於地加彘肩上拔劔切而
啗之項王曰壯士能復飲乎樊噲曰臣死且不避卮酒
安足辭夫秦王有虎狼之心殺人如不能舉刑人如恐
不勝天下皆叛之懷王與諸將約曰先破秦入咸陽者
王之今沛公先破秦入咸陽毫毛不敢有所近封閉宮

前兩世王此
字寓項王心極

至還軍霸上以待大王來故遣將守關者備他盜出入
與非常也勞苦而功高如此未有封侯之賞而聽細說
欲誅有功之人此亡秦之續耳竊爲大王不取也項王
未有以應曰坐樊噲從良坐前爲西向侍於此良亦同
坐須臾沛公起如廁因招樊噲出沛公已出項王使都
尉陳平召沛公沛公曰今者出未辭也爲之柰何樊噲
曰大行不顧細謹大禮不辭小讓如今人方爲刀俎我
爲魚肉何辭爲於是遂去乃令張良留謝良問曰大王
來何操曰我持白璧一雙欲獻項王玉斗一雙欲與亞
父會其怒不敢獻公爲我獻之張良曰謹諾當是時又

複提妙

史記抄項羽

卷之四

程四子

提應前為項王軍在鴻門下沛公軍在霸上相去四十

里沛公則置車騎脫身獨騎與樊噲夏侯嬰靳彊紀信

等四人持劔盾步走從酈山下道芷陽間行沛公謂張

良曰從此道至吾軍不過二十里耳度我至軍中公乃

入沛公已去問至軍中張良入謝曰沛公不勝杯杓不

能辭謹使臣良奉白璧一雙再拜獻大王足下玉斗一

雙再拜奉大將軍足下項王曰沛公安在良曰聞大王

有意督過之脫身獨去已至軍矣項王則受璧置之坐

上亞父受玉斗置之地拔劔撞而破之曰唉豎子不足

與謀奪項王天下者必沛公也吾屬今為之虜矣沛公

置坐上的方心乃
置此地作皮耳

數句結羽入關之
局引羽分封及東
歸之案

以欲自王句起

五義帝以前一日氣
魄一日義帝以後一
日哀風一日是一篇大
關鍵處

至軍立誅殺曹無傷。居數日，項羽引兵西屠咸陽，殺秦
降王子嬰，燒秦宮室，火三月不滅，收其貨寶婦女而東。
與沛公入關，人或說項王曰：「關中阻山河四塞，地肥饒，
可都以霸。」項王見秦宮室皆以燒殘破，又心懷思欲東
歸，曰：「富貴不歸故鄉，如衣繡夜行，誰知之者？」說者曰：「人
言楚人沐猴而冠耳。」果然。項王聞之，烹說者。項王使人
致命懷王，懷王曰：「如約，乃尊懷王為義帝。」項王欲自王，
先王諸將相謂曰：「天下初發難時，假立諸侯，後以伐秦，
然身被堅執銳首事，暴露於野，三年滅秦，定天下者皆
將相諸君與籍之力也。義帝雖無功，故當分其地而王。」

之諸將皆曰善乃分天下立諸將為侯王以下序次諸將功與其定

封如畫而矜恩仇私項王范增疑沛公之有天下業已

講解又惡負約恐諸侯叛之乃陰謀曰巴蜀道險秦之

遷人皆居蜀乃曰巴蜀亦關中地也故立沛公為漢王

王巴蜀漢中都南鄭而三分關中王秦降將以距塞漢

王項王乃立章邯為雍王王咸陽以西都廢丘長史欣

者故為櫟陽獄掾嘗有德於項梁都尉董翳者本勸章

邯降楚故立司馬欣為塞王王咸陽以東至河都櫟陽

立董翳為翟王王上郡都高奴徙魏王豹為西魏王王

河東都平陽瑕丘申陽者張耳嬖臣也先下河南郡迎

鍾云以叙次詳明

與此封為面而移思

與私愛以此種之分別

太史公連用故字接

寫佳妙

此段公私輕重只在虛

字過接處描寫。分王

段極錯綜極整齊

筆。傳神。分王諸

將全用私恩私怨寫

已盡情

楚河上故立申陽爲河南王都雒陽韓王成因故都鄴陽翟趙將司馬卬定河內數有功故立卬爲殷王王河內都朝歌徙趙王歇爲代王趙相張耳素賢又從入關故立耳爲常山王王趙地都襄國當陽君黥布爲楚將常冠軍故立布爲九江王都六鄱君吳芮率百越佐諸侯又從入關故立芮爲衡山王都邾義帝柱國共敖將兵擊南郡功多因立敖爲臨江王都江陵徙燕王韓廣爲遼東王燕將臧荼從楚救趙因從入關故立荼爲燕王都薊徙齊王田市爲膠東王齊將田都從共救趙因從入關故立都爲齊王都臨菑故秦所滅齊王建孫田

不封三果封十萬戶侯叙以錯綜

用自立為王句結

以下節三項羽敗局

安項羽方渡河救趙田安下濟北數城引其兵降項羽故立安為濟北王都博陽田榮者數負項梁又不肯將兵從楚擊秦以故不封成安君陳餘棄將印去不從入關然素聞其賢有功於趙聞其在南故因環封三縣番君將梅鋗功多故封十萬戶侯項王自立為西楚霸王王九郡都彭城漢之元年四月諸侯罷戲下各就國項王出之國使人徙義帝曰古之帝者地方千里必居上游乃使使徙義帝長沙郴縣趣義帝行其群臣稍稍背叛之乃陰令衡山臨江王擊殺之江中韓王成無軍功項王不使之國與俱至彭城廢以為侯已又殺之滅

陰賊如此

私恩威如此

以皆用漢之月為提綱

自立二字史法

亦伏後案

伏後叛案田榮不封項氏之禍始此

荼之國因逐韓廣之遼東廣弟聽荼擊殺廣無終并王
其地田榮聞項羽徙齊王市膠東而立齊將田都爲齊
王乃大怒羽以私予奪三田而三田卒不相容不肯遣
齊王之膠東因以齊反迎擊田都田都走楚齊王市畏
項王乃亡之膠東就國田榮怒追擊殺之即墨榮因自
立爲齊王而西擊殺濟北王田安并王三齊榮與彭越
將軍印應前合反梁地連陳餘陰使張同夏說齊王田榮曰
項羽爲天下宰不平今盡王故王於醜地而王其群臣諸
將善地逐其故主趙王乃北居代餘以爲不可聞大王
起兵且不聽不義願大王資餘兵請以擊常山以復趙

簡筆妙

劉辰翁曰子房物
安在并及以同
使即留者本此

王請以國為扞蔽齊王許之因遣兵之趙陳餘悉發三

縣兵與齊并力擊常山大破之張耳走歸漢陳餘迎故

趙王歇於代反之趙趙王因立陳餘為代王是時漢還

定三秦項羽聞漢王皆已并關中且東齊趙叛之大怒

乃以故吳令鄭昌為韓王以距漢即封三秦令蕭公角

等擊彭越彭越敗蕭公角等漢使張良徇韓乃遺項王

書曰漢王失職欲得關中如約即止不敢東又以齊梁

反書遺項王曰齊欲與趙并滅楚楚以此故無西意而

北擊齊徵兵九江王布布稱疾不往使將將數千人行

項王由此怨布也漢之二年冬是時用秦正朔項羽遂北至

漢入彭城

城陽田榮亦將兵會戰。覽羽之北定三田處如田榮不勝走至平原平原民殺之遂北燒夷齊城郭室屋皆阮田榮降卒係虜其老弱婦女徇齊至北海多所殘滅齊人相聚而叛之於是田榮弟田橫收齊亡卒得數萬人反城陽項王因留連戰未能下春漢王部五諸侯兵凡五十六萬人東伐楚項王聞之即令諸將擊齊而自以精兵三萬人南從魯出胡陵四月漢皆已入彭城收其貨寶美人日置酒高會項王乃西從蕭晨擊漢軍而東至彭城日中大破漢軍漢軍皆走相隨入穀泗水殺漢卒十餘萬人漢卒皆南走山楚又追擊至靈壁東睢水

上漢軍却爲楚所擠多殺漢卒十餘萬人皆入睢水睢水爲之不流圍漢王三匝於是大風從西北而起折木發屋揚沙石窈冥晝晦逢迎楚軍楚軍大亂壞散而漢王乃得與數十騎遁去欲過沛收家室而西楚亦使人追之沛取漢王家皆亡不與漢王相見漢王道逢得孝惠魯元乃載行楚騎追漢王漢王急推墮孝惠魯元車下滕公常下收載之如是者三曰雖急不可以驅柰何棄之於是遂得脫求太公呂后不相遇審食其從太公呂后間行求漢王反遇楚軍楚軍遂與歸報項王項王常置軍中是時呂后兄周呂侯爲漢將兵居下邑漢

王間往從之。稍稍收其士卒。至滎陽。諸敗軍皆會。蕭何亦發關中老弱未傅。悉諸滎陽。復大振。楚起於彭城。常來勝。逐北。與漢戰。滎陽。南京。索間。漢敗。楚。楚以故不能過滎陽。而西。項王之救彭城。追漢王。至滎陽。田橫亦得收齊。立田榮子廣為齊王。漢王之敗彭城。諸侯皆復與楚而背漢。漢軍滎陽。築甬道。餽之。河以取敖倉粟。漢之三年。項王數侵奪漢甬道。漢王食乏。恐請和。割滎陽以西為漢。項王欲聽之。歷陽侯范增曰。漢易與耳。今釋弗取。後必悔之。項王乃與范增急圍滎陽。漢王患之。乃用陳平計。間項王。項王使者來。為太牢具。舉欲進之。見使

項王又抄一臂

滎陽之厄

者佯驚愕曰。吾以爲亞父使者。乃反項王使者。更持去。以惡食食項王。使者歸報項王。項王乃疑范增與漢有私。稍奪之權。范增大怒曰。天下事大定矣。君王自爲之。願賜骸骨歸卒伍。項王許之。此係楚漢與亡處行未至彭城。疽發背而死。結厄增漢將紀信說漢王曰。事已急矣。請爲王誑楚爲王。王可以間出。於是漢王夜出女子滎陽東門。被甲二千人。楚兵四面擊之。紀信乘黃屋車。傳左纛。城中食盡。漢王降。楚軍皆呼萬歲。漢王亦與數十騎從城西門出走。城臯。項王見紀信。問漢王安在。信曰。漢王已出矣。項王燒殺紀信。漢王使御史大夫周苛。樅公。魏

高云九江王不往
漢則彭越丁反梁
地可合彼敵丁攻
不煩親兵命矣
漢保成臯
攻羽又抄一臂

成臯之厄

欲西不乃西是
關處下接云乃
自東擊彭越有
楚鋒自是乘矣

豹守滎陽周苛縱公謀曰反國之王難與守城乃共殺
魏豹楚下滎陽城生得周苛項王謂周苛曰爲我將我
以公爲上將軍封三萬戶周苛罵曰若不趣降漢漢今
虜若若非漢敵也項王怒烹周苛并殺縱公漢王之出
滎陽南走宛葉得九江王布行收兵復入保成臯漢之
四年項王進兵圍成臯漢王逃獨與滕公出成臯北門
渡河走修武從張耳韓信軍諸將稍稍得出成臯從漢
王楚遂拔成臯欲西漢使兵距之輦令其不得西是時
彭越渡河擊楚東阿殺楚將軍薛公項王乃自東擊彭
越漢王得淮陰侯兵欲渡河南鄭忠說漢王乃止壁河

漢再取成臯。
越一及而漢以復
取成臯彭越功

內使劉賈將兵佐彭越燒楚積聚項王東擊破之走彭

越別字外通字解漢王則引兵渡河復取成臯軍廣武就敖倉食項王

已定東海來西與漢俱臨廣武而軍相守數月當此時

彭越數反梁地絕楚糧食項王患之為高祖置太公其

上告漢王曰今不急下吾烹太公漢王曰吾與項羽俱

北面受命懷王曰約為兄弟吾翁即若翁必欲烹而翁

則幸分我一桮羹沛公硬心腸故為硬言項王怒欲殺之項伯曰

天下事未可知且為天下者不顧家雖殺之無益祇益

禍耳項王從之楚漢久相持未決提此下排戰一段文字丁壯苦軍旅老弱罷

轉漕項王謂漢王曰天下匈匈數歲者徒以吾兩人耳

願與漢王挑戰決雌雄。毋徒苦天下之民父子爲也。漢王笑謝曰：「吾寧聞智，不能鬪力。」項王令壯士出挑戰。漢有善騎射者樓煩，楚挑戰三合，樓煩輒射殺之。項王大怒，乃自被甲持戟挑戰。樓煩欲射之，項王瞋目叱之，樓煩目不敢視，手不敢發，遂走還入壁，不敢復出。漢王使人間問之，乃項王也。漢王大驚，於是項王乃卽漢王相與臨廣武間而語。如畫漢王數之，項王怒欲一戰。提得漢王不聽。項王伏弩射中漢王，漢王傷走入成皐。項王聞淮陰侯已舉河北，破齊趙，且欲擊楚，乃使龍且往擊之。淮陰侯與戰，騎將灌嬰擊之，大破楚軍，殺龍且。韓信因自立爲

高云沈淮陰抄第
也與淮陰江岸
然而面或石
則平時投取
昇也

自西復東為制
趣也

齊王項王聞龍且軍破則恐則字又作乃字解使盱台人武涉往說淮陰
侯淮陰侯弗聽是時彭越復反下梁地絕楚糧項王乃
謂海春侯大司馬曹咎等曰謹守成臯則漢欲挑戰慎
弗與戰毋令得東而已我十五日必誅彭越定梁地復
從將軍乃東行擊陳留外黃外黃不下數日已降項王
怒悉令男子年十五已上詣城東欲阬之外黃令舍人
兒年十三往說項王曰彭越疆劫外黃外黃恐故且降
待大王大王至又皆阬之百姓豈有歸心從此以東梁
地十餘城皆恐莫肯下矣項王然其言乃赦外黃當阬
者東至睢陽聞之皆爭下項王漢果數挑楚軍戰楚軍

彭越反而漢得大破楚軍彭越功案

凌幼主曰為中用當是時凡八妾持指制

楚漢成敗決於此

不出使人辱之五六日大司馬怒渡兵汜水士卒半渡漢擊之大破楚軍盡得楚國貨賂大司馬咎長史翳塞王欣皆自剄汜水上大司馬咎者故斬獄掾長史欣亦故櫟陽獄吏兩人嘗有德於項梁是以項王信任之以舊恩任不當是時項王在睢陽聞海春侯軍敗則引兵還必賢漢軍方圍鍾離昧於滎陽東項王至漢軍畏楚盡走險阻是時漢兵盛食多項王兵罷食絕漢遣陸賈說項王請太公項王弗聽漢王復使侯公往說項王項王乃與漢約中分天下割鴻溝以西者為漢鴻溝而東者為楚項王許之即歸漢王父母妻子軍皆呼萬歲漢王乃封

自此解兵東歸項
王不復西矣

高云固陵不會韓
彭蒧臨之根伏矣

侯公爲平國君。匿弗肯復見。曰：「此天下辯士所居傾國。故號爲平國君。」項王已約，乃引兵解而東歸。漢欲西歸。張良、陳平說曰：「漢有天下大半，而諸侯皆附之。楚兵罷食盡，此天亡楚之時也。不如因其饑而遂取之。」今釋弗擊，此所謂養虎自遺患也。漢王聽之。漢五年，漢王乃追項王至陽夏南，止軍，與淮陰、侯韓信、建成侯彭越期會而擊楚軍。至固陵，而信、越之兵不會。楚擊漢軍，大破之。漢王復入壁，深塹而自守，謂張子房曰：「諸侯不從約，爲之柰何？」對曰：「楚兵且破，信、越未有分地，其不至固宜。君王能與共分天下，今可立致也。」此一策遂定楚。漢與亡之畧。即不能。

垓下西情境留類
水溢且多氣壯
足与子相發漢
使人感嘆

事未可知也。君王能自陳以東，傳海盡與韓信。睢陽以
北至穀城，以與彭越。使各自為戰，則楚易敗也。漢王曰：
善。於是乃發使者告韓信、彭越曰：「并力擊楚。」楚破，自陳
以東，傳海與齊王。睢陽以北至穀城，與彭相國使者至。
韓信、彭越皆報曰：「請今進兵。」韓信乃從齊往，劉賈軍從
壽春並行，屠城父，至垓下。大司馬周殷叛楚，以舒屠六
舉九江兵，隨劉賈、彭越，皆會垓下。詣項王。項王軍壁垓
下，兵少食盡。漢軍及諸侯兵圍之數重。以季宛可謂夜，漢軍四面
皆楚歌。項王乃大驚曰：「漢皆已得楚乎？是何楚人之多
也？」項王則夜起，飲帳中，有美人名虞，常幸從。駿馬名騶

已下西情境留類

水溢且多氣壯

足与子相發漢

使人感嘆

垓下西情境留類

水溢且多氣壯

風號兩溢海嘯
山崩瀆之吾為
起舞

可奈何奈何奈何
意美乃一悲然
種低徊地厚天高
身之所為英雄失
改悲至此極矣
增美人和歌云漢兵
已累地四面楚歌
大王意氣盡此賦
妾何聊生

常騎之於是項王乃悲歌忼慨自為詩曰力拔山兮氣
蓋世時不利兮驢不逝驢不逝兮可奈何虞兮虞兮奈
若何歌數闕美人之和之項王泣數行下左右皆泣莫能
仰視於是項王乃上馬騎麾下壯士騎從者八百餘人
直夜潰圍南出馳走平明漢軍乃覺之令騎將灌嬰以
五千騎追之項王渡淮騎能屬者百餘人耳項王至陰
陵迷失道問一田父田父給曰左左乃陷大澤中以故
漢追及之項王乃復引兵而東至東城乃有二十八騎
漢騎追者數千人項王自度不得脫謂其騎曰吾起兵
至今八歲矣身七十餘戰所當者破所擊者服未嘗敗

一篇古文必以字法此印就而中

張之象曰此与者楊順批解子類

北遂霸有天下。然今卒困於此。此天之亡我。非戰之罪也。今日固決死。願爲諸君決戰。必三勝之。爲諸君潰圍。斬將刈旗。令諸君知天亡我。非戰之罪也。覽羽本末特一梟將。乃分其騎以爲四隊。四嚮。漢軍圍之數重。項王謂其騎曰。吾爲公取彼一將。令四面騎馳下。期山東爲三處。於是項王大呼馳下。漢軍皆披靡。遂斬漢一將。是時赤泉侯爲騎將。追項王。項王瞋目叱之。赤泉侯人馬俱驚。辟易數里。與其騎會爲三處。漢軍不知項王所在。乃分軍爲三。復圍之。項王乃馳復斬漢一都尉。殺數十百人。復聚其騎。亡其兩騎耳。乃謂其騎曰。何如。騎皆伏曰。如大王。

悲惋中自有
壯氣

言之印以面為指
以面為指

言於是項王乃欲東渡烏江。烏江亭長檣船待。謂項王
曰：江東雖小，地方千里，衆數十萬人，亦足王也。願大王
急渡。今獨臣有船，漢軍至，無以渡。項王笑曰：天之亡我，
我何渡為？且籍與江東子弟八千人渡江而西，今無一
人還。縱江東父兄憐而王我，我何面目見之？縱彼不言，
籍獨不愧於心乎？乃謂亭長曰：吾知公長者，吾騎此馬
五歲，所當無敵。嘗一日行千里，不忍殺之，以賜公。乃令
騎皆下馬步行，持短兵接戰。獨籍所殺漢軍數百人。項
王身亦被十餘創。顧見漢騎司馬呂馬童曰：若非吾故
人乎？馬童面之，指王翳曰：此項王也。項王乃曰：吾聞漢

凌約言曰兩所此
少而決戰德馬童
而獲首終不成此
也歎歎氣附所
謂匹夫匹婦婦人
仁孝之性也歎

約為兄弟叔
耶也盛哀
之

購我頭千金邑萬戶。吾為若德，乃自刎而死。王翳取其
頭，餘騎相蹂踐，爭項王，相殺者數十人。最其後，郎中騎
楊喜、騎司馬呂馬童、郎中呂勝、楊武各得其一體。五人
共會其體，皆是。故分其地為五封。呂馬童為中水侯，封
王翳為杜衍侯，封楊喜為赤泉侯，封楊武為吳防侯，封
呂勝為涅陽侯，項王已死，楚地皆降漢，獨魯不下。漢乃
引天下兵欲屠之，為其守禮義為主，死節，乃持項王頭
示魯。魯父兄乃降。始楚懷王初封項籍為魯公，及其死
魯最後下，故以魯公禮葬項王穀城。漢王為發哀泣之
而去。諸項氏枝屬，漢王皆不誅，乃封項伯為射陽侯，桃

侯平臯侯玄武侯皆項氏賜姓劉氏

太史公曰絕佳吾聞之周生曰舜目蓋重瞳子又聞項羽亦

重瞳子將無傲有羽豈其苗裔邪何興之暴也夫秦失其政陳涉

首難豪傑蜂起相與並爭不可勝數然羽非有尺寸乘

勢起隴畝之中三年遂將五諸侯滅秦分裂天下而封

王侯政由羽出號爲霸王位雖不終近古以來未嘗有

也及羽背關懷楚放逐義帝而自立怨王侯叛已難矣

自矜功伐奮其私智而不師古謂霸王之業欲以力征

經營天下五年卒亡其國身死東城尚不覺悟而不自

責過矣乃引天亡我非用兵之罪也豈不謬哉

項畢

史記抄卷之五

高祖本紀

讀高祖紀須參項羽紀
兩相得失處一一入手

高祖沛豐邑中陽里人姓劉氏字季父曰太公母曰劉

媪其先劉媪嘗息大澤之陂夢與神遇音國女孝一稱是時雷電晦冥

太公往視則見蛟龍於其上已而有身遂產高祖高祖

為人隆準而龍顏美須髯左股有七十二黑子仁而愛

人喜施意豁如也常有大度不事家人生產作業及壯

試為吏為泗水亭長廷中吏無所不狎侮好酒及色常

從王媪武負貫酒醉卧武負王媪見其上常有龍怪之

高祖每酤留飲酒讐數倍及見怪歲竟比兩家常折券

符應一

高祖年半通叙女
神異以乃帝王受命
下符此其一也

狀貌一

高祖一

高祖一

老母稱媪六前負王媪
王家之媪武負武家之
負也

符應二

史記抄

卷之五

三思氣三

進者會氣之財也

言三執四

狀貌之

呂公一揚筆何
又一部塵埃之中
人不易得善何者
此可為一嘆矣

不富高祖誼
語妙

棄責高祖常繇咸陽縱觀觀秦皇帝喟然太息曰嗟乎
大丈夫當如此也單父人呂公善沛令避仇從之客因
家沛焉沛中豪傑吏聞令有重客皆往賀蕭何為主吏
主進令諸大夫曰進不滿千錢坐之堂下高祖為亭長
素易諸吏乃給為謁曰賀錢萬實不持一錢謁入呂公
大驚起迎之門呂公者好相人見高祖狀貌因重敬之
引入坐蕭何曰劉季固多大言少成事高祖因狎侮諸
客遂坐上坐無所詘酒闌呂公因目固留高祖高祖竟
酒後呂公曰臣少好相人相人多矣無如季相願季自
愛臣有息女願為季箕帚妾酒罷呂媼怒呂公曰公始

常欲奇此女與貴人。沛令善公求之不與。何自妄許與
劉季。呂公曰：此非兒女子所知也。卒與劉季。呂公女乃
呂后也。生孝惠魯元公主。高祖爲亭長時，常告歸之田。
呂后與兩子居田中，耦有一老父過，請飲。呂后因饋之。
老父相呂后曰：夫人天下貴人。令相兩子，見孝惠曰：夫
人所以貴者，乃此男也。相魯元亦皆貴。老父已去。高祖
適從旁舍來，呂后具言。客有過相我子母，皆大貴。高祖
問曰：未遠，乃追及。問老父，老父曰：鄉者夫人嬰兒皆似
君，君相貴不可言。高祖乃謝曰：誠如父言，不敢忘德。及
高祖貴，遂不知老父處。高祖爲亭長，以竹皮爲冠，漫及

澹令求盜之辭治之。時時冠之。及貴常冠。所謂劉氏冠。乃是也。高祖以亭長爲縣送徒酈山。徒多道亡。自度比至皆亡之。到豐西澤中止飲。夜乃解縱所送徒曰。公等皆去。吾亦從此逝矣。徒中壯士願從者十餘人。高祖被酒。夜徑澤中。令一人行前行前者還報曰。前有大蛇當徑。願還。高祖醉曰。壯士行何畏。乃前拔劍擊斬蛇。蛇遂分爲兩。徑開。行數里醉因卧。後人來至蛇所。有一老嫗夜哭。人問何哭。嫗曰。人殺吾子。故哭之。人曰。嫗子何爲見殺。嫗曰。吾子白帝子也。化爲蛇當道。今爲赤帝子斬之。故哭。人乃以嫗爲不誠。欲笞之。嫗因忽不見。後人至。

符應四

符應五

紹說

高祖覺。後人告高祖。高祖乃心獨喜。自負諸從者日益
畏之。秦始皇帝常曰。東南有天子氣。於是因東游以厭
之。高祖卽自疑亡匿。隱於芒碭山澤巖石之間。呂后與
人俱求。常得之。高祖怪問之。呂后曰。季所居。上常有雲
氣。故從往。常得季。高祖心喜。沛中子弟或聞之。多欲附
者矣。秦二世元年。秋。陳勝等起。斬至陳而王。號爲張楚。
諸郡縣皆多殺其長吏。以應陳涉。沛令恐。欲以沛應涉。
掾主吏蕭何曹參乃曰。君爲秦吏。今欲背之。率沛子弟。
恐不聽。願君召諸亡在外者。可得數百人。因劫衆。衆不
敢不聽。乃令樊噲召劉季。劉季之衆已數十百人矣。於

要具表

辭多

是樊噲從劉季來沛令後悔恐其有變乃閉城城守欲
誅蕭曹英雄始事蕭曹恐踰城保劉季劉季乃書帛射城上謂沛
父老曰天下苦秦久矣今父老雖為沛令守諸侯並起
今屠沛沛今共誅令擇子弟可立者立之以應諸侯則
家室完不然父子俱屠無為也父老乃率子弟共殺沛
令開城門迎劉季欲以為沛令劉季曰天下方擾諸侯
並起今置將不善壹敗塗地吾非敢自愛大度處恐能薄不能
完父兄子弟此大事願更相推擇可者蕭曹等皆文吏
自愛恐事不就後秦種族其家盡讓劉季諸父老皆曰
平生所聞劉季應前諸珍怪當貴且卜筮之莫如劉季最吉

秦并天下為三十六
郡置守尉監此泗川
有監有守平其其
也

於是劉季數讓衆莫敢為乃立季為沛公祠黃帝祭蚩
尤於沛庭而釁鼓旗幟皆赤應前由所殺蛇白帝子殺者赤
帝子故上赤於是少年豪吏如蕭曹樊噲等皆為收沛
子弟二三千人攻胡陵方與還守豐音房秦二世二年陳涉
之將周章軍西至戲而還燕趙齊魏皆自立為王項氏
起吳秦泗川監平將兵圍豐二日出與戰破之命雍齒
守豐引兵之薛泗川守壯敗于薛走至戚沛公左司馬
得泗川守壯殺之沛公還軍亢父至方與周市來攻方
與未戰陳王使魏人周市略地周市使人謂雍齒曰豐
故梁徙也今魏地已定者數十城齒今下魏魏以齒為

秦嘉東陽郡人為甯
異君或云東陽甯君及

秦嘉是三人東陽其所屬
吳名甯其姓時稱為君

劉成曰別物而連
下句諱。按此別
臣陳二字似當解
作廷擊陳時

五大第九爵名以五大
夫為將凡十人

伏後不復豐案

侯守豐不下。且屠豐。雍齒雅不欲屬沛公。及魏招之。即
反。為魏守豐。沛公引兵攻豐。不能取。沛公病。還之沛。沛
公怨雍齒與豐子弟叛之。聞東陽甯君秦嘉立景駒為
假王。在留。乃往從之。欲請兵以攻豐。是時秦將章邯從
陳別將司馬卮將兵北定楚地。屠相至碭。東陽甯君沛
公引兵西與戰。蕭西不利。還收兵聚留。引兵攻碭。三日
乃取碭。因收碭兵得五六千人。攻下邑。拔之。還軍豐。聞
項梁在薛。從騎百餘往見之。項梁益沛公卒五千人。五
大夫將十人。沛公還引兵攻豐。從項梁月餘。項羽已拔
襄城。還。項梁盡召別將居薛。聞陳王定死。因立楚後懷

沛章邯圍齊田榮
于東阿沛公與項梁
救之

王孫心爲楚王。治盱眙。項梁號武信君。居數月。北攻亢父。救東阿。破秦軍。齊軍歸。楚獨追北。使沛公項羽別攻城陽。屠之。軍濮陽之東。與秦軍戰。破之。秦軍復振。守濮陽。環水。楚軍去而攻定陶。定陶未下。沛公與項羽西略地。至雍丘之下。與秦軍戰。大破之。斬李由。還攻外黃。外黃未下。項梁再破秦軍。有驕色。宋義諫不聽。秦益章邯兵。夜銜枚擊項梁。大破之。定陶。項梁死。沛公與項羽方攻陳留。聞項梁死。引兵與呂將軍俱東。又提呂臣軍彭城東。項羽軍彭城西。沛公軍碭。章邯已破項梁軍。則以爲楚地兵不足憂。乃渡河北。擊趙。大破之。提當是之時。趙歇爲

三云懷王遺詔
以關中記名之
及此可相詳云

王秦將王離圍之鉅鹿城。此所謂河北之軍也。秦二世三年，楚懷王見項梁軍破，恐徙盱台都彭城，并呂臣項羽軍自將之。以沛公為碭郡長，封為武安侯，將碭郡兵。封項羽為長安侯，號為魯公。呂臣為司徒，其父呂青為令尹。趙數請救懷王，乃以宋義為上將軍，項羽為次將。范增為末將，北救趙。令沛公西略地入關，與諸將約。先入定關中者王之。當是時，秦提兵彊常乘勝逐北，諸將莫利先入關。獨項羽怨秦破項梁軍，奮願與沛公西入關。懷王諸老將皆曰：「項羽為人，慄悍猾賊。」項羽嘗攻襄城，襄城無遺類，皆坑之。諸所過無不殘滅，且楚數進取前。

陳王項梁皆敗。不如更遣長者。扶義而西。告諭秦父兄。
秦父兄苦其主久矣。今誠得長者往。毋侵暴。宜可下。今
項羽。僇悍。今不可遣。獨沛公素寬大。長者可遣。卒不許。
項羽。而遣沛公西。略地。收陳王項梁散卒。乃道碭。至成
陽。與杻里黃江漢書沛公攻秦軍壁破其軍秦軍夾壁。破魏二軍。楚軍出兵擊王離。大破
之。沛公引兵西。遇彭越。昌邑。因與俱攻秦軍。戰不利。還
至栗。遇剛武侯。奪其軍。可四千餘人。并之。與魏將皇欣
魏申徒武蒲之軍。并攻昌邑。昌邑未拔。西過高陽。酈食
其謂監門曰。諸將過此者多。吾視沛公大人長者。乃求見
說沛公。沛公方踞牀。使兩女子洗足。酈生不拜。長揖曰。

臣高安插一
句為臣序公入
關也

足下必欲誅無道秦不宜踞見長者酈生雄心於是沛
公起攝衣謝之延上坐食其說沛公襲陳留得秦積粟
乃以酈食其為廣野君酈商為將將陳留兵與偕攻開
封開封未拔西與秦將楊熊戰白馬又戰曲遇東大破
之楊熊走之滎陽二世使使者斬以徇南攻潁陽屠之
因張良遂略韓地轅轅文提當是時趙別將司馬卬方欲渡
河入關沛公乃北攻平陰絕河津音緣南戰雒陽東軍不利
還至陽城收軍中馬騶與南陽守齕戰犍東破之略南
陽郡南陽守齕走保城守宛沛公引兵過而西張良諫
曰此一着甚好沛公雖欲急入關秦兵尚衆距險今不

下宛宛從後擊彊秦在前此危道也於是沛公乃夜引兵從他道還更旗幟黎明圍宛城三匝南陽守欲自剄其舍人陳恢曰死未晚也乃踰城見沛公曰臣聞足下約先入咸陽者王之今足下留守宛宛大郡之都也連城數十人民衆積蓄多吏人自以爲降必死故皆堅守乘城今足下盡日止攻士死傷者必多引兵去宛宛必隨足下後足下前則失咸陽之約後又有彊宛之患爲足下計莫若約降封其守因使止守引其甲卒與之西諸城未下者聞聲爭開門而待足下通行無所累沛公曰善乃以宛守爲殷侯封陳恢千戶引兵西無不下者

至丹水。高武侯鯁、襄侯王陵降。西陵還攻胡陽。遇番君音婆別將梅鋗，與皆降。析酈遣魏人寧昌使秦，使者未來。是時章邯已以軍降項羽於趙矣。初，項羽與宋義北救趙，及項羽殺宋義，代爲上將軍，諸將黥布皆屬。破秦將王離軍，降章邯。諸侯皆附。及趙高已殺二世，使人來，欲約分王關中。沛公以爲詐，乃用張良計。第二着使酈生、陸賈往說秦將，啗以利，因襲攻武關，破之。又與秦軍戰於藍田南，益張疑兵旗幟，諸所過毋得掠鹵。秦人憚，秦軍解，因大破之。又戰其北，大破之，乘勝遂破之。

漢元年十月，沛公兵遂先諸侯至霸上。秦王子嬰素軍

鍾云與父老約乃
百漢此王厚者
點

白馬係頸以組封皇帝璽符節降軹道旁諸將或言誅
秦王沛公曰始懷王遣我固以能寬容且人已服降又
殺之不祥乃以秦王屬吏遂西入咸陽欲止宮休舍樊
噲張良諫乃封秦重寶財物府庫還軍霸上召諸縣父
老豪傑曰父老苦秦苛法久矣誹謗者族偶語者棄市
吾與諸侯約先入關者王之吾當王關中與父老約法
三章耳殺人者死傷人及盜抵罪餘悉除去秦法諸吏
人皆案堵如故凡吾所以來爲父老除害非有所侵暴
無恐且吾所以還軍霸上待諸侯至而定約束耳乃使
人與秦吏行縣鄉邑告諭之秦人大喜爭持牛羊酒食

已伏也三秦根
脚

或人說此四句於
項紀而詳於此

獻饗軍士。沛公又讓不受。曰：「倉粟多，非乏，不欲費人。」人又益喜。唯恐沛公不為秦王。或說沛公曰：「秦富十倍天下，地形彊。今聞章邯降項羽，項羽乃號為雍王，王關中。今則來，沛公恐不得有此，可急使兵守函谷關，無內諸侯軍。稍徵關中兵，以自益，距之。」沛公然其計，從之。十一月中，項羽果率諸侯兵西欲入關，關門閉。聞沛公已定關中，大怒，使黥布等攻破函谷關。十二月中，遂至戲。沛公左司馬曹無傷聞項王怒欲攻沛公，使人言項羽曰：「沛公欲王關中，令子嬰為相，珍寶盡有之，欲以求封。」亞父勸項羽擊沛公，方饗士，旦日合戰。是時項羽兵四十

萬號百萬沛公兵十萬號二十萬力不敵會項伯欲活
張良夜往見良因以文諭項羽項羽乃止沛公從百餘
騎驅之鴻門見謝項羽項羽曰此沛公左司馬曹無傷
言之不然籍何以至此沛公省以樊噲張良故得解歸歸立
誅曹無傷項羽遂西屠燒咸陽秦宮室所過無不殘破
秦人大失望然恐不敢不服爾項羽使人還報懷王懷
王曰如約了入開一案。又所以伏沛公異目為義帝發喪之張本項羽怨懷王不肯令與沛公俱西入關而北
救趙後天下約乃曰懷王者吾家項梁所立爾非有功
伐何以得主約本定天下諸將及籍也乃佯尊懷王為
義帝實不用其命正月項羽自立為西楚霸王王梁楚

地九郡。都彭城。負約更立沛公爲漢王。王巴蜀漢中。都南鄭。三分關中。立秦三將。章邯爲雍王。都廢丘。司馬欣爲塞王。都櫟陽。董翳爲翟王。都高奴。楚將瑕丘申陽爲河南王。都洛陽。趙將司馬卬爲殷王。都朝歌。趙王歇徙王代。趙相張耳爲常山王。都襄國。當陽君黥布爲九江王。都六。懷王柱國共敖爲臨江王。都江陵。番君吳芮爲衡山王。都邾。燕將臧荼爲燕王。都薊。故燕王韓廣徙王遼東。廣不聽。臧荼攻殺之。無終封成安君陳餘。河間三縣居南皮。封梅鋗十萬戶。四月。兵罷戲下。諸侯各就國。漢王之國。項王使卒三萬人從楚與諸侯之募從者數。

暗制沛公

凌約言曰此等看地
因見莊重矣王王以作
持撫應接丁學原案
○有云項已以項力
主而漢王常叙八像
祖化以漢王為主而
以子弟叙入此恐
之全序也

萬人便是一天下局面從杜南入蝕中。去輒燒絕棧道。按此家是用以備

諸侯盜兵襲之。亦示項羽無東意。至南鄭。諸將及士卒。

多道亡歸。士卒皆歌。思東歸。韓信說漢王曰。韓王信非

項羽王諸將之有功者。而王獨居南鄭。是遷也。軍吏士

卒皆山東之人也。日夜跂而望歸。及其鋒而用之。可以

有大功。天下已定。人皆自寧。不可復用。不如決策東鄉。

爭權天下。項羽出關。使人徙義帝曰。羽之失着古之帝者。地方千

里。必居上游。乃使徙義帝長沙郴縣。趣義帝行。群臣

稍倍叛之。乃陰令衡山王、臨江王擊之。殺義帝江南。項

羽抽出然田榮立齊相田都羽之樹敵處為齊王。田榮怒。因自立為齊王。

史記卷之五

時音止好時果
名

史記卷之八十五

十

殺田都而反楚。予彭越將軍印。令反梁地。楚令蕭公角

擊彭越。彭越大破之。陳餘羽之樹敵處怨項羽之弗王已也。令夏說

說田榮。請兵擊張耳。齊予陳餘兵。擊破常山王張耳。張

耳亡歸漢。迎趙王歇於代。復立為趙王。趙王因立陳餘

為代王。項羽羽之失着大怒。北擊齊。八月。漢王用韓信漢之得着之計。從故

道還。襲雍王章邯。邯迎擊漢陳倉。雍兵敗。還走。止戰。矧

時。又復敗。走廢丘。漢王遂定雍地。東至咸陽。引兵圍雍

王廢丘。而遣諸將略定隴西北地上郡。令將軍薛歐王

吸出武關。因王陵兵南陽。以迎太公。呂后於沛。楚聞之。

發兵距之陽夏。不得前。令故吳令鄭昌為韓王。距漢兵。

羽之此着亦不得力

沛公因張良之說燒絕棧道以示項羽無東意而項羽
遂北擊齊且與彭越陳餘輩方爭衡沛公因得用韓信
之計以定三秦及其鋒以東嚮天下之勢
遂定矣譬之兩人對奕沛公已得勝局

二年漢王東略地塞王欣翟王翳河南王申陽皆降韓

王昌不聽使韓信擊破之於是置隴西北地上郡渭南

河上中地郡關外置河南郡更立韓太尉信為韓王東

嚮爭權者韓漢王檄文諸將以萬人若以一郡降者封萬戶繕治

河上塞諸故秦苑囿園池皆令人得田之漢之收人心處正月

虜雍王弟章平大赦罪人漢王之出關至陝撫關外父

老還漢之收人心處張耳來見漢王厚遇之張耳失國而漢不

二月令除秦社稷更立漢社稷三月漢王從臨晉渡魏

真西山曰：「項羽之殺義帝，不曰殺項羽，而曰殺義帝，此其所以示天下也。蓋項羽之殺義帝，不曰殺項羽，而曰殺義帝，此其所以示天下也。」

王豹將兵從下河內虜殷王。置河內郡。南渡平陰津至
維陽新城。三老董公遮說漢王。以義帝死故。漢王聞之。
袒而大哭。遂為義帝發喪。臨三日。發使者告諸侯曰：天
下共立義帝。北面事之。今項羽放殺義帝於江南。大逆
無道。寡人親為發喪。諸侯皆縞素。悉發關內兵。收三河
士。南浮江漢以下。願從諸侯王。擊楚之殺義帝者。是時
項王北擊齊。田榮與戰城陽。田榮敗走平原。平原民殺
之。齊皆降楚。楚因焚燒其城郭。虜其子女。齊人叛之。
田榮弟橫立榮子廣為齊王。齊王反楚城陽。項羽雖聞
漢東既已連齊。兵欲遂破之。而擊漢。漢王以故得劫五

五諸侯常山王張耳河
南王申陽韓王鄭昌魏
王豹殷王卬

諸侯兵遂入彭城

太史公知兵畧故指畫楚漢兩爭如掌

項羽聞之乃引

兵去齊從魯出胡陵至蕭與漢大戰彭城

是時楚兵憤而漢兵新

合氣不

一故敗靈壁東睢水上大破漢軍多殺士卒睢水爲之

不流乃取漢王父母妻子於沛置之軍中以爲質

羽無大体處

當是

時諸侯見楚彊漢敗還皆去漢復爲楚塞王欣亡入楚

呂后兄周呂侯爲漢將兵居下邑

漢之得著處

稍收士卒

軍碭漢王乃西過梁地至虞使謁者隨何之九江王布

所曰公能令布舉兵叛楚項羽必留擊之得留數月吾

取天下必矣隨何往說九江王布布果背楚楚使龍且

往擊之漢王之敗彭城而西行使人求家室家室亦亡

不相得。敗後，乃獨得孝惠。六月，立爲太子。大赦罪人。令太子守櫟陽。諸侯子在關中者，皆集櫟陽爲衛。漢之收人心處引水灌廢丘。廢丘降。章邯自殺。更名廢丘爲槐里。於是令祠官祀天地四方上帝山川，以時祀之。興關內卒，乘塞。是時九江王布與龍且戰，不勝，與隨何間行歸漢。漢王稍收士卒，又漢之轉收得著處與諸將及關中卒益出。是以兵大振。滎陽破，楚京索間。

三年，魏王豹謁歸視親疾，至卽絕河津，反爲楚。漢王使酈生說豹。豹不聽。漢王遣將軍韓信擊大破之。虜豹，遂定魏地，置三郡，曰河東、太原、上黨。漢王乃令張耳與韓

甬道悉敵鈔輜重故築垣
牆如街巷也屬縣也教地名
臨河有大倉

劉辰翁曰以四上亭
長捐四萬金四萬
王委之天不將其
意氣吞羽百倍

信遂東下井陘擊趙斬陳餘趙王歇預言之其明年立張耳為
趙王漢王軍滎陽南築甬道屬之河以取敖倉定魏下
趙及食
敖倉並漢
之得着處與項羽相距歲餘項羽數侵奪漢甬道漢軍
乏食遂圍漢王漢王請和割滎陽以西者為漢項王不
聽漢王患之乃用陳平之計予陳平金四萬斤漢之得着處以間䟽
楚君臣於是項羽乃疑亞父亞父是時勸項羽遂下滎
陽及其見疑乃怒辭老願賜骸骨歸卒伍未至彭城而
死漢軍絕食乃夜出女子東門二千餘人被甲楚因四
面擊之將軍紀信乃乘王駕詐為漢王誑楚楚皆呼萬
歲之城東觀以故漢王得與數十騎出西門遁令御史

大夫周苛、魏豹、樅公守滎陽。諸將卒不能從者，盡在城中。周苛、樅公相謂曰：「反國之王，難與守城。因殺魏豹。」漢王之出滎陽，入關，收兵，欲復東。袁生說漢王曰：「漢與楚相距滎陽數歲，漢常困。願君王出武關，項羽必引兵南走。」此又漢之一勝着處。王深壁，令滎陽成臯間且得休。使韓信等輯河北趙地，連燕齊。君王乃復走滎陽，未晚也。如此，則楚所備者多，力分。漢得休，復與之戰，破楚必矣。漢王從其計，出兵宛葉間，與黥布行，收兵。項羽聞漢王在宛，果引兵南。漢王堅壁，不與戰。是時彭越、張敖、水與項聲、薛公戰下邳，彭越大破楚軍。項羽乃引兵東。

高云疲于奔命
氏之所以不一
而師老再征兵
力竭矣

高云秦王滅魏王
豹雷勇趙王歇
王延殷王印降
天下大勢
勢勇歸漢羽以
一孤軍東西奔命
亡日矣

擊彭越。漢王亦引兵北，軍成皐。與羽紀不合項羽已破走彭越。聞漢

王復軍成皐，乃復引兵西拔滎陽，誅周苛、樅公，而虜韓

王信，遂圍成皐。漢王跳逃也獨與滕公共車出成皐玉門北

渡河，馳宿脩武，自稱使者，晨馳入張耳、韓信壁而奪之。

軍乃使張耳北，益收兵趙地，使韓信東擊齊。漢王得韓

信軍，則復振引兵臨河南，饗軍小脩武。南欲復戰，郎中

鄭忠乃說止漢王。即素生本指使高壘深塹，勿與戰。漢王聽其計，使

盧綰、劉賈將卒二萬人，騎數百，渡白馬津入楚地，與彭

越復擊破楚軍於郭西，遂復下梁地十餘城。淮陰已受

命，東未渡平原。漢王使酈生往說齊王田廣，廣叛楚，與

史記卷之五
卷之五
七
四百四

漢和共擊項羽。韓信用蒯通計。遂襲破齊。齊王烹酈生。
東走高密。項羽聞韓信已舉河北兵。破齊趙。且欲擊楚。
則使龍且周蘭往擊之。韓信與戰。騎將灌嬰擊大破楚
軍。殺龍且。齊王廣犇彭越。當此時。彭越將兵居梁地。漢
得着往來苦楚兵絕其糧食。

四年。項羽乃謂海春侯大司馬曹咎曰。謹守成臯。若漢
挑戰。慎勿與戰。無令得東而已。我十五日必定梁地。復
從將軍。乃行。擊陳留。外黃。睢陽。下之。漢果數挑楚軍。楚
軍不出。使人辱之。五六日。大司馬怒。渡兵汜水。士卒半
渡。漢擊之。大破楚軍。盡得楚國金玉貨賂。大司馬咎長

史欣皆自到汜水上。項羽至睢陽。聞海春侯破。乃引兵還。漢軍方圍鍾離。昧於滎陽東。項羽至。盡走險阻。亦深溝高壘以相拒之意。韓信已破齊。使人言曰。齊邊楚。權輕。不爲假王。漢之得着處。恐不能安齊。漢王欲攻之。留侯曰。不如因而立之。使自爲守。乃遣張良操印綬立韓信爲齊王。項羽聞龍且軍破。則恐。使盱台人武涉往說韓信。韓信不聽。楚漢久相持未決。丁壯苦軍旅。老弱罷轉餉。漢王項羽相與臨廣武之間而語。項羽欲與漢王獨身挑戰。漢王數項羽曰。始與項羽俱受命懷王。曰先入定關中者王之。項羽負約。王我於蜀漢罪一。項羽矯殺卿子冠軍而自尊罪二。

鍾云至此破楚之
勢歟美乃敘大言

項羽已救趙。當還報。而擅劫諸侯兵入關。罪三。懷王約入秦無暴掠。項羽燒秦宮室。掘始皇帝冢。私受其財物。罪四。又彊殺秦降王子嬰。罪五。詐阬秦子弟新安二十萬。王其將。罪六。項羽皆王諸將善地。而徙逐故主。令臣下爭叛逆。罪七。項羽出逐義帝。彭城自都之。奪韓王地。并王梁楚。多自予。罪八。項羽使人陰弑義帝。江南罪九。夫爲人臣而弑其主。殺已降。爲政不平。主約不信。天下所不容。大逆無道。罪十也。吾以義兵從諸侯誅殘賊。使刑餘罪人。擊殺項羽。何苦乃與公挑戰。項羽大怒。伏弩射中漢王。漢王傷臂。乃捫足曰。虜中吾指。漢王病創卧。

許相卿曰叙越苦楚五言反重必不易二字妙也

高云漢書遺陸賈侯生請太公於子關父子大倫似宜郭以此終而史公不之及此蓋諱高祖公室之言也

張良彊請漢王起行勞軍以安士卒毋令楚乘勝於漢漢王出行軍病甚因馳入成皐病愈西入關至櫟陽存問父老置酒皐故塞王欣頭櫟陽市留四日復如軍軍廣武關中兵益出又提當此時彭越將兵居梁地往來苦楚兵絕其糧食田橫往從之項羽數擊彭越等齊王信又進擊楚項羽恐乃與漢王約中分天下割鴻溝而西者為漢鴻溝而東者為楚項王歸漢王父母妻子軍中皆呼萬歲乃歸而別去項羽解而東歸漢王欲引而西歸用留侯陳平計留侯此着又一勝局乃進兵追項羽至陽夏南止軍與齊王信建成侯彭越期會而擊楚軍至固陵不

會楚擊漢軍大破之。漢王復入壁，深塹而守之。用張良

又漢之得着

計，於是韓信、彭越皆往。及劉賈入楚地，圍壽春。漢王敗

是楚司馬

固陵，乃使使者召大司馬周殷，舉九江兵而迎之。武王

韓王也

行屠城父，隨何、劉賈、齊梁諸侯皆大會垓下。立武王布

為淮南王。

五年，高祖與諸侯兵共擊楚軍，與項羽決勝垓下。淮陰

侯將三十萬，自當之。孔將軍居左，費將軍居右，皇帝在

後。絳侯、柴將軍在皇帝後。項羽之卒可十萬，淮陰先合。

不利，却。孔將軍、費將軍縱楚兵，不利。淮陰侯復乘之，大

敗垓下。項羽卒聞漢軍楚歌，以為漢盡得楚地，項羽乃

董份曰：「却」退也。
用「子」而進退也。
用「子」而進退也。
最奇

敗而走。是以兵大敗。使騎將灌嬰追殺項羽東城。斬首
入萬。遂略定楚地。魯爲楚堅守不下。漢王引諸侯兵北。
示魯父老項羽頭。魯乃降。遂以魯公號。葬項羽穀城。還
至定陶。馳入齊王壁。奪其軍。漢功臣人人自危始此正月。諸侯及
將相相與共請尊漢王爲皇帝。漢王曰。吾聞帝賢者有
也。空言虛語。非所守也。吾不敢當帝位。群臣皆曰。大王
起微細。誅暴逆。平定四海。有功者。輒裂地而封爲王侯。
大王不尊號。皆疑不信。臣等以死守之。漢王三讓不得。
已。曰。諸君必以爲便。便國家。甲午。乃卽皇帝位。汜水之
陽。皇帝曰。義帝無後。齊王韓信習楚風俗。徙爲楚王。都

下。立建成侯彭越爲梁王。都定陶。故韓王信爲韓王。都陽翟。徙衡山王吳芮爲長沙王。都臨湘。番君之將梅鋗有功。從入武關。故德番君。淮南王布。燕王臧荼。趙王敖皆如故。天下大定。高祖都維陽。諸侯皆臣屬。故臨江王驩爲項羽叛漢。令盧綰劉賈圍之。不下。數月而降。殺之。維陽五月。兵皆罷歸家。諸侯子在關中者。復之十二歲。其歸者。復之六歲。食之一歲。高祖置酒維陽南宮。高祖曰。列侯諸將。無敢隱朕。皆言其情。吾所以有天下者。何。項氏之所以失天下者何。高起王陵對曰。陛下慢而侮人。項羽仁而愛人。然陛下使人攻城略地。所降下者。

高云只知人善在
便極帝王大男
漢祖之言不謬
耳

因以予之。與天下同利也。項羽妬賢嫉能。有功者害之。
賢者疑之。戰勝而不予人功。得地而不予人利。此所以
失天下也。高祖曰。高祖獨見公知其一。未知其二。夫運籌策帷帳
之中。決勝於千里之外。吾不如子房。鎮國家。撫百姓。給
餽饟。不絕糧道。吾不如蕭何。連百萬之軍。戰必勝。攻必
取。吾不如韓信。此三者皆人傑也。吾能用之。此吾所以
取天下也。項羽有一范增而不能用。此其所以為我禽
也。高祖欲長都雒陽。齊人劉敬說。及留侯勸上入都關
中。高祖是日駕入都關中。六月大赦天下。十月燕王臧
荼反。攻下代地。高祖自將擊之。得燕王臧荼。即立太尉。

史記抄卷之五
廬綰爲燕王。使丞相噲將兵攻代。其秋利幾反。高祖自將兵擊之。利幾走。項氏之將項氏敗。利幾爲陳公。不隨項羽亡。降高祖。高祖侯之潁川。高祖至雒陽。舉通侯籍召之。而利幾恐。故反。

六年高祖五日一朝太公。如家人父子禮。太公家令說太公曰。天無二日。土無二王。今高祖雖子。人主也。太公雖父。人臣也。柰何令人主拜人臣。如此則威重不行。後高祖朝。太公擁篲迎門却行。高祖太驚。下扶太公。太公曰。帝人主也。柰何以我亂天下法。於是高祖乃尊太公爲太上皇。心善家令言。賜金五百斤。十二月。人有上變

列本無甚
善二字

事告楚王信謀反。上問左右。左右爭欲擊之。用陳平計。乃僞遊雲夢。會諸侯於陳。楚王信迎。卽因執之。是日大赦天下。田肯賀。因說高祖曰。甚善。陛下得韓信。又治秦中。秦形勝之國。帶山河之險。縣隔千里。持戟百萬。秦得百二焉。地勢便利。其以下兵於諸侯。譬猶居高屋之上。建瓴水也。夫齊東有琅邪。卽墨之饒。南有泰山之固。西有濁河之限。北有勃海之利。地方二千里。持戟百萬。縣隔千里之外。齊得十二焉。故此東西秦也。非親子弟。莫可使王齊矣。已而以齊王同姓復三四叛高祖曰。善。賜黃金五百斤。後十餘日。封韓信爲淮陰侯。分其地爲二國。高祖曰。將

王莽云匈奴圍
我平城得春秋
漢書改為匈奴
國失體而文弱
矣

軍劉賈數有功以爲荆王。王淮東弟交爲楚王。王淮西
子肥爲齊王。王七十餘城。民能齊言者皆屬齊。乃論功
與諸列侯剖符行封。徙韓王信太原。

七年匈奴攻韓王信馬邑。信因與同謀反太原白土曼

丘臣王黃立故趙將趙利爲王以反。高祖自往擊之。會

天寒士卒墮指者什二三。遂至平城。匈奴圍我平城七

日而後罷去。左樊噲止定代地立兄劉仲爲代王。二月高祖自

平城過趙。雒陽至長安。長樂宮成丞相已下徙治長安。

八年高祖東擊韓王信餘反寇於東垣。蕭丞相營作未

央宮立東闕北闕前殿武庫太倉高祖還見宮闕壯甚

高云此思密以
終說者其為
而說者本情也

高云此祖以
祖少家也

怒謂蕭何曰天下匈匈苦戰數歲成敗未可知是何治
宮室過度也蕭何曰天下方未定故可因遂就宮室且
夫天子以四海為家非壯麗無以重威且無今後世有
以加也高祖乃說高祖之東垣過相人趙相貫高等謀
弑高祖高祖心動因不留代王劉仲棄國亡自歸雒陽
廢以為合陽侯

九年趙相貫高等事發覺夷三族廢趙王敖為宣平侯

秦故令

是歲徙貴族楚昭屈景懷齊田氏關中未央宮成高祖
大朝諸侯群臣置酒未央前殿高祖奉玉卮起為太上
皇壽曰始大人常以臣無賴不能治產業不如仲力今

免以天下新其紀
所託設教之不以
者

後約言曰西為云
為初人情

其之業所就孰與仲多。殿上群臣皆呼萬歲。大笑為樂。
十年十月，淮南王黥布、梁王彭越、燕王盧綰、荆王劉賈、
楚王劉交、齊王劉肥、長沙王吳芮皆來朝長樂宮。春夏
無事。七月，太上皇崩櫟陽宮。楚王、梁王皆來送葬。赦櫟
陽囚。更命酈邑曰新豐。八月，趙相國陳豨反。代地上曰：
「豨嘗為吾使，甚有信。代地吾所急也。」故封豨為列侯，以
相國守代。今乃與王黃等劫掠代地，代地吏民非有罪
也。其赦代吏民。九月上自東徃擊之。至邯鄲，上喜曰：「豨不
南據邯鄲而阻漳水，吾知其無能為也。」聞豨將皆故賈人
也。上曰：「吾知所以與之，乃多以金啗豨將。」豨將多降者。

十一年高祖在邯鄲誅豨等未畢豨將侯敞將萬餘人游行王黃軍曲逆張春渡河擊聊城漢使將軍郭蒙與齊將擊大破之太尉周勃道太原入定代地至馬邑馬邑不下卽攻殘之豨將趙利守東垣高祖攻之不下月餘卒罵高祖高祖怒城降令出罵者斬之不罵者原之於是乃分趙山北立子恒爲代王都晉陽春淮陰侯韓信謀反關中夷三族夏梁王彭越謀反廢遷蜀復欲反遂夷三族立子恢爲梁王子友爲淮陽王秋七月淮南王黥布反東并荆王劉賈地北渡淮楚王交走入薛高祖自往擊之立子長爲淮南王

十二年十月高祖已擊布軍會魏布走令別將追之高

祖還歸過沛留置酒沛宮

以下叙得感慨淋漓

悉召故人父老子

弟縱酒發沛中兒得百二十人教之歌酒酣高祖擊筑

自爲歌詩曰大風起兮雲飛揚威加海內兮歸故鄉安

得猛士兮守四方令兒皆和習之高祖乃起舞愴慨傷

懷泣數行下謂沛父兄曰游子悲故鄉吾雖都關中萬

歲後吾魂魄猶樂思沛且朕自沛公以誅暴逆遂有天

下其以沛爲朕湯沐邑復其民世世無有所與沛父兄

諸母故人日樂飲極驩道舊故爲笑樂十餘日高祖欲

去沛父兄固請留高祖高祖曰吾人衆多父兄不能給

高祖至沛二西矣
有照映故借以此
法之

張帷帳也

乃去。沛中空縣皆之邑西獻。高祖復留止，張飲三日。沛父兄皆頓首曰：「沛幸得復，豐未復，唯陛下哀憐之。」高祖曰：「豐，吾所生長，極不忘爾。吾特爲其以雍齒故，反我爲魏。沛父兄固請，乃并復豐。」比沛於是拜沛侯，劉濞爲吳王。漢將別擊布軍洮水南北，皆大破之，追得斬布鄱陽樊噲。別將兵定代，斬陳豨當城。十一月，高祖自布軍至長安。十二月，高祖曰：「秦始皇帝、楚隱王、陳涉、魏安釐王、齊湣王、趙悼襄王皆絕無後，予守冢各十家。秦皇帝二十家，魏公子無忌五家。」赦代地吏民爲陳豨、趙利所劫掠者，皆赦之。陳豨降將言豨反時，燕王盧綰使人之豨。

英雄氣概又高
一番

高云漢祖定天下
馬三傑視身如百
石步後平勃與人
男而分及弟名可
得也云人亦云班
也

所與陰謀。上使辟陽侯迎綰。綰稱病。辟陽侯歸。具言綰
反有端矣。二月。使樊噲周勃。將兵擊燕王綰。赦燕吏民。
與反者立皇子建爲燕王。高祖擊布時。爲流矢所中。行
道。病甚。呂后迎良醫。醫入見。高祖問醫。醫曰。病可治。
於是高祖嫚罵之曰。吾以布衣提三尺劍取天下。此非
天命乎。命乃在天。雖扁鵲何益。遂不使治病。賜金五十
斤。罷之。已而呂后問曰。陛下百歲後。蕭相國卽死。令誰
代之。上曰。曹參可。問其次。上曰。王陵可。然陵少戇。陳平
可以助之。陳平智有餘。然難以獨任。周勃重厚少文。然
安劉氏者必勃也。可。令爲太尉。呂氏復問其次。上曰。此

後亦非而所知也。盧綰與數千騎居塞下候伺。幸上病

愈。不語自入謝。四月甲辰，高祖崩，長樂宮。四日不發喪。呂后

與審食其謀。四日不發喪，則人危矣。此或訛言。曰：「諸將與帝為編戶民，

今北面為臣，此常快快。今乃事少主，非盡族是天下不

安。」人或聞之，語酈將軍。酈將軍往見審食其，曰：「吾聞帝

已崩，四日不發喪，欲誅諸將，誠如此，天下危矣。」陳平灌

嬰將十萬守滎陽，樊噲、周勃將二十萬定燕代。此聞帝

崩，諸將皆誅，必連兵還鄉以攻關中。大臣內叛，諸侯外

反，亡可翹足而待也。」審食其入言之，乃以丁未發喪。大

赦天下。盧綰聞高祖崩，遂亡入匈奴。丙寅葬，己巳立太

高曰本支子世帝
王昭矣加以大封同
姓以鎮海內以此為
帝八男何為

子至太上皇廟群臣皆曰高祖起微細撥亂世反之正
平定天下為漢太祖功最高上尊號為高皇帝太子襲
號為皇帝孝惠帝也令郡國諸侯各立高祖廟以歲時
祠及孝惠五年思高祖之悲樂沛以沛宮為高祖原廟
高祖所教歌兒百二十人皆令為吹樂後有缺輒補之
高帝八男長庶齊悼惠王肥次孝惠呂后子次戚夫人
子趙隱王如意次代王恒已立為孝文帝薄太后子次
梁王恢呂太后時徙為趙共王次淮陽王友呂太后時
徙為趙幽王次淮南厲王長次燕王建
太史公曰夏之政忠忠之敝小人以野故殷人承之以

敬○敬○之○敝○小○人○以○鬼○故○周○人○承○之○以○文○文○之○敝○小○人○以○
僊○故○救○僊○莫○若○以○忠○三○王○之○道○若○循○環○終○而○復○始○周○秦○
之○間○可○謂○文○敝○矣○秦○政○不○改○反○酷○刑○法○豈○不○繆○乎○故○漢○
興○承○敝○易○變○使○人○不○倦○得○天○統○矣○朝○以○十○月○車○服○黃○屋○
左○肅○葬○長○陵○

高祖本紀終

